

**ხელშეკრულება**  
**სახელმწიფო შესყიდვების შესახებ №01-03-77**

ქ. თბილისი

07 ივნისი 2022 წელი

**შემსყიდველი:** სსიპ – მასწავლებელთა პროფესიული განვითარების ეროვნული ცენტრის დირექტორის ფუნქციების დროებით მოვალეობის შემსრულებელი დავით ხვდელიძის სახით;

მისამართი: ქ. თბილისი, სანდრო ეულის ქ. №5;

საიდენტიფიკაციო კოდი: 202374251;

საბანკო რეკვიზიტი: სახელმწიფო ხაზინა, კოდი: TRESGE22, ა/ა: GE24 NB03 3010 0200 1650 22

მიმწოდებელი: შპს „ბესთ თრეველი“ წარმოდგენილი დირექტორის ნინო ნიკოლაძის სახით; იურიდიული მისამართი: ბარნოვის №83;

საიდენტიფიკაციო კოდი: 200167988;

საბანკო რეკვიზიტი: სს „თიბისი ბანკი“, ბანკის კოდი: TBCBGE22; ა.ა GE94 TB56 0423 6080 1000 01

ერთის მხრივ - შემსყიდველი და მეორეს მხრივ - მიმწოდებელი, „სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის „ვ“ ქვეპუნქტის საფუძველზე, დებენ წინამდებარე ხელშეკრულებას შემდეგზე:

**მუხლი 1. ხელშეკრულებაში გამოყენებულ ტერმინთა განმარტება**

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;

1.2. ვალდებულების არაჯეროვანი შესრულება – ვალდებულების ხელშეკრულების პირობებთან შეუსაბამოდ, არასრულად, უხარისხოდ შესრულება;

1.3. ხელშეკრულებით ნაკისრი ვალდებულების შესრულების ვადების გადაცდენა – მხარის მიერ ნაკისრი ვალდებულების ხელშეკრულებით განსაზღვრულ ვადაში შეუსრულებლობა.

**მუხლი 2. ხელშეკრულების საგანი**

ხელშეკრულების შესყიდვის საგანს წარმოადგენს სსიპ – მასწავლებელთა პროფესიული განვითარების ეროვნული ცენტრის „ციფრული მოქალაქეობა საქართველოს ზოგადსაგანმანათებლო სკოლებში - გამოწვევები და დანერგვის გზები“ რუსთაველის სამეცნიერო ფონდის საგრანტო ხელშეკრულების (09.03.20 წლის NFR-19-7716) ფარგლებში სამეცნიერო სამუშაოებისთვის (სამეცნიერო სტატიის მომზადება და მონოგრაფიის გამოცემა) მოწვეული უცხოელი ექსპერტის 1 (ერთი) ავიაბილეთის LISBON-ISTANBUL-TBILISI-ISTANBUL-LISBON შესყიდვა, დეტალური ინფორმაცია მოცემულია ხელშეკრულების დანართი N1-ში (CPV60410000 - სარეისო საპარტნერო ტრანსპორტის მომსახურებები)

**მუხლი 3. ხელშეკრულების ღირებულება**

3.1. შესასყიდი ობიექტის ფასი განისაზღვრება ეროვნულ ვალუტაში;

3.2. ხელშეკრულების საერთო ღირებულება შეადგენს 3503.00 (სამი ათას ხუთას სამი) ლარს;

3.3 დაფინანსების წყარო: სსიპ – მასწავლებელთა პროფესიული განვითარების ეროვნული ცენტრის ციფრული მოქალაქეობა საქართველოს ზოგადსაგანმანათებლო სკოლებში - გამოწვევები და დანერგვის გზები“ რუსთაველის სამეცნიერო ფონდის საგრანტო ხელშეკრულების 09.03.20 წლის NFR-19-7716 დაფინანსების ფარგლებში.

**მუხლი 4. შესასყიდი ობიექტის ხარისხი**

4.1. რეისებს შორის დრო უნდა იყოს საკმარისი რეგისტრაციისათვის

4.2. სატრანზიტო ქალაწებში არ უნდა მოხდეს აეროპორტის ცვლილება (ფრენის გაგრძელება უნდა მოხდეს იმავე აეროპორტიდან სადაც მოხდება ჩაფრენა);

4.3. ბილეთის ფასი უნდა შეიცავდეს მინიმუმ 20 კგ-მდე ბარგის და 7 კგ-მდე ხელბარგის ღირებულებისა და კანონმდებლობით დადგენილ ყველა გადასახადს;

4.4. ფრენის დროს ავიაკომპანიის მიზეზით გამოწვეული პრობლემის (რეისის მოხსნა, ფრენის გადატება, დაგვიანება, ავიაკომპანიის გაკოტრება და სხვა) შედეგად წარმოშობილი ფინანსური ხაქრჯის მოგვარება სრულად უზრუნველყოფა, უნდა მოხდეს მიმწოდებლის მიერ;

#### მუხლი 5. შესასყიდი ობიექტის მიწოდების ფორმა, ვადები და ადგილი

5.1. ავიაბილეთის მოწოდება (ელექტრონულად) ხორციელდება ხელშეკრულების გაფორმებიდან არაუგვიანეს 2 (ორი) დღის განმავლობაში;

5.2. ავიაბილეთის მოწოდება უნდა განხორციელდეს ელექტრონულ შემდეგ მისამართზე [sopiko\\_lobjanidze@iliauni.edu.ge](mailto:sopiko_lobjanidze@iliauni.edu.ge);

5.3. მგზავრობის მომსახურება დაიწყება ხელშეკრულების დანართი N1-ის მიხედვით.

#### მუხლი 6. შესასყიდი ობიექტის მიღება-ჩაბარების წესი

6.1. შესასყიდი ობიექტის მიღება ფორმდება ერთანად შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე, რაც ასევე ადასტურებს მიმწოდებლის მიერ ნაკისრი ვალდებულებების კეთილსინდისიერად შესრულებას;

6.2. შემსყიდველის მხრიდან მიღება-ჩაბარების აქტის ხელმოწერის უფლება ენიჭება სსიპ – მასწავლებელთა პროფესიული განვითარების ეროვნული ცენტრის რუსთაველის სამეცნიერო ფონდის ფუნდამენტი კვლევების საგრანტო პროექტის NFR-19-7716 ხელმძღვანელი სოფიკო ლობჟანიძეს. მიღება-ჩაბარების აქტის გაფორმების საფუძველია ინსპექტირების განმახორციელებელი პირის დამადასტურებელი ხელმოწერა.

#### მუხლი 7. ანგარიშსწორება

7.1 ანგარიშსწორება განხორციელდება მიღება-ჩაბარების აქტის გაფორმებიდან არა უგვიანეს 10 (ათი) სამუშაო დღის განმავლობაში;

7.2 ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;

7.3 საავანსო ანგარიშსწორება არ გამოიყენება.

#### მუხლი 8. მხარეთა უფლება-მოვალეობანი

##### 8.1 „შემსყიდველი” ვალდებულია:

8.1.1 ხელშეკრულებით გათვალისწინებული ავიაბილეთის მიწოდებისას საქმის კურსში ჩააყენოს „მიმწოდებელი” ყველა განსაკუთრებული გარემოების შესახებ;

8.1.2 ხელშეკრულებით გათვალისწინებული პირობების შესაბამისად, აუნაზღაუროს „მიმწოდებელს“ ავიაბილეთის ღირებულება.

##### 8.2 „შემსყიდველს” უფლება აქვს:

8.2.1 შეამოწმოს მიწოდებული ავიაბილეთის შესაბამისობა ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა „მიმწოდებლის” მიერ ხელშეკრულების პირობების დაცვაზე;

8.2.2 მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

8.2.3 მოთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

8.2.4 მოთხოვოს მიმწოდებელს ნაკლოვანი ავიაბილეთის შეცვლა ან ნაკლის აღმოფხვრა.

##### 8.3 „მიმწოდებელი” ვალდებულია:

8.3.1 დაიცვას ხელშეკრულებით გათვალისწინებული ყველა პირობა;

8.3.2 გადასცეს შემსყიდველს ამ ხელშეკრულების მე-2 მუხლში აღნიშნული ავიაბილეთი შესაბამისი დოკუმენტებით საკუთრებაში;

- 8.3.3 ხელშეკრულებით გათვალისწინებული ავიაბილეთის მიწოდებისას აცნობოს შემსყიდველს ყველა განსაკუთრებული გარემოების შესახებ;
- 8.3.4 აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით;
- 8.3.5 აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულების არაჯეროვანი შესრულების გამო;
- 8.3.6 წარუდგინოს შემსყიდველს მიწოდებულ ავიაბილეტებტან დაკავშირებული სრული დოკუმენტაცია.

#### **8.4 „მიმწოდებელს” უფლება აქვს:**

- 8.4.1 მოთხოვოს „შემსყიდველს” მიწოდებული ავიაბილეთის ღირებულების ანაზღაურება ხელშეკრულებით გათვალისწინებული პირობებით;
- 8.4.2 მოთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება.

#### **მუხლი 9. ხელშეკრულების პირობების შეუსრულებლობა**

- 9.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მხარეს ეკისრება პირგასამტებლო შეუსრულებელი ვალდებულების ღირებულების 0.5 % ოდენობით;
- 9.2 მიმწოდებლის მიერ ხელშეკრულების არაჯეროვანი შესრულების შემთხვევაში მხარეს ეკისრება პირგასამტებლო ხელშეკრულების ღირებულების 10 (ათი) % ოდენობით;
- 9.3 იმ შემთხვევაში, თუ ვადების გადაცდენისათვის დაკისრებული პირგასამტებლოს ჯამური მოცულობა გადააჭარბებს ხელშეკრულების ღირებულების 5 (ხუთი) %-ს, შემსყიდველს უფლება აქვს ცალმხრივად შეწყვიტოს ხელშეკრულება;
- 9.4 პირგასამტებლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

#### **მუხლი 10. ხელშეკრულების ინსპექტირების პირობები**

- 10.1 შემსყიდველის წარმომადგენლებს უფლება აქვთ განახორციელონ ტექნიკური კონტროლი და/ან შეამოწმოს ავიაბილეთი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან;
- 10.2 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა ნაკლის აღმოფხვრა, წუნდებული ავიაბილეთის შეცვლა;
- 10.3. ხელშეკრულებით განსაზღვრული პირობების კონტროლს განახორციელებს სსიპ – მასწავლებელთა პროფესიული განვითარების ეროვნული ცენტრის სსიპ – მასწავლებელთა პროფესიული განვითარების ეროვნული ცენტრის რუსთაველის სამეცნიერო ფონდის ფუნდამენტრი კვლევების საგრანტო პროექტის NFR-19-7716 სტატისტიკოსი გიორგი ურჩუხიშვილი.

#### **მუხლი 11. ხელშეკრულების შეწყვეტა**

- 11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;
- 11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი;
- 11.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;
- 11.4 შემსყიდველს აგრეთვე შეუძლია მიიღოს გადაწყვეტილება ხელშეკრულების შეწყვეტის შესახებ:
- 11.4.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 11.4.2 მიმწოდებლის გაკოტრების შემთხვევაში;
- 11.4.3 საქართველოს კანონმდებლობით გათვალისწინებულ სხვა შემთხვევებში;

11.5 ამ მუხლის 11.4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული ავიაბილეთის ღირებულება.

### **მუხლი 12. ხელშეკრულების პირობების გადასინჯვა**

12.1. მხარეები უფლებამოსილნი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;

12.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია;

12.3 დაუშვებელია ხელშეკრულებაში იმდაგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „გამარტივებული შესყიდვის კრიტერიუმები და გამარტივებული შესყიდვის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული წესით გათვალისწინებული შემთხვევებისა;

12.4 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩაითვლება ხელშეკრულების განუყოფელ ნაწილად.

### **მუხლი 13. ფორსმაჟორი.**

13.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, საბიუჯეტო ასიგურების მკვეთრი შემცირებით და სხვა;

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

### **მუხლი 14. ხელშეკრულების მოქმედების ვადა**

ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია 2022 წლის 30 დეკემბრის ჩათვლით.

### **მუხლი 15. დავები და მათი გადაწყვეტის წესი**

15.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;

15.2 თუ „შემსყიდველი“ და „მიმწოდებელი“ მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

### **მუხლი 16. სხვა პირობები**

16.1 ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით;

- 16.2 არც ერთ მხარეს აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე;
- 16.3 მესამე პირთან/პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით;
- 16.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;
- 16.5 წინამდებარე ხელშეკრულება არ შეიცავს რაიმე სიტყვიერ დამატებას;
- 16.6 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;
- 16.7 წინამდებარე ხელშეკრულების ნებისმიერი ცვლილება ან/და დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;
- 16.8 . ხელშეკრულება შედგენილია ელექტრონულად ქართულ ენაზე, მხარეების მიერ გამოყენებულია ელექტრონული ხელისმოწერა ან შტამპი;
- 16.9 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას.

### **17. ინტერესთა კონფლიქტი**

„სახელმწიფო შესყიდვების შესახებ“ საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე ხელმომწერი და კონტრაქტით გათვალისწინებული პირები სრულად აკმაყოფილებენ ამ კანონის მოთხოვნას და არ იმყოფებიან ინტერესთა კონფლიქტში მიმწოდებელთან.

### **მუხლი 18. მხარეთა ხელმოწერები**

#### **შემსყიდველი:**

სსიპ – მასწავლებელთა პროფესიული  
განვითარების ეროვნული ცენტრი



დავით ხველეული  
დირექტორის ფუნქციების მოვალეობის  
დროებით შემსრულებელი

#### **მიმწოდებელი:**

შპს „ბესთ თრეველი“

ნინო ნიკოლაძე  
დირექტორი

N	მგზავრი	მიმართულება	მგზავრობის თარიღი	რაოდენობა	ფასი
1	NABAIS TOME VITOR MANUEL	<u>LISBON-ISTANBUL-TBILISI-</u> <u>ISTANBUL-LISBON</u>	გამოფრენა 2022 წლის 15 ივლისი გაფრენა 2022 წლის 20 ივლისი	1	3 503,00

**შემსყიდველი:**

სსიპ – მასწავლებელთა პროფესიული  
განვითარების ეროვნული ცენტრი

**მიმწოდებელი:**

შპს „ბესთ თრეველი“



დანართის მფლობელი

დირექტორის ფუნქციების მოვალეობის  
დროგზე შემსრულებელი

ნინო ნიკოლაძე

დირექტორი